

T5351.9/2943(3)

~~CHL T 5266/2913~~

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 20 1972



東齊集卷之四

律詩

蘇及舟

上國經年客春流一轉波已醒離情酒猶記客

寺歌水竹殘帶身寄食誰能忘在空橫海月竹

言勞人多

海南道中賦寄

石為不... 行... 故...

新安松齋年

韋齋集卷之四

新安朱松喬年



律詩

解汲舟

上國經年客春流一棹波已醒離帳酒猶記客
亭歌水枕殘歸夢霜衾擁獨哦篷窓橫落月作
意傍人多

淮南道中微雪

密密雲陰合斜斜雪態妍似欺春力淺故傍客

愁邊宿鳥投村暝寒梅抱蕊鮮無人命尊酒清
絕裊茶烟

送沈昌時赴寧海令兼叙別二首

俯仰塵埃二十年天涯初此試鳴絃正緣五斗
羞陶令莫歎三江阻鄭虔饒吏誅求何日饜羸
民凋瘵豈容鞭故人便使來當路終恐勞公自
挽船

午潮平處落歸帆已覺離情兩不堪轉手便成
千日別悲歌聊倚一杯酣波翻別壑聞車水青

遍柔桑趁浴蚕歸路春深風日美伴誰操筆賦
幽探

西湖泛舟

望湖楼下照衰顏羞見塵埃兩鬢斑風艇從看
山轉側烟堤儘逐水回還喚人歸去城鐘急觸
處相親嶺月彎不用新詩摹絕境定知長到夢
魂間

和舜明晚雨

一雨平龜坼層臺轉小涼吟羞東野窘醉想謫

仙狂温翠生苔徑餘清襲芰裳王郎不相顧掃地靜焚香

贈言命張生

俛仰塵埃的自羞稍看寒餓復誰憂小兒造物巧相戲窮鬼遂人殊未休我所不知煩子筭世如無取更何求服箱挹酒真么麼那用區區問斗牛

東陽社日泛舟觀競渡

誰喚思家客來為蕩獎嬉鬢華羞照水兩意解

逐

漿

催詩疊鼓飛文鷁香鬟出短籬醉歸真夢覺猶憶湔裙時

熊積道桂軒

覓種老蟾窟培根芹水傍書燈移素影詩筆帶餘香家計傳韋業孫枝繼却芳山川供秀潤蘭玉競輝光那把攀雲手空持種樹方嗟無月脇句惡語汗君梁

宿延慶寺

浮雲過眼旋銷忘惟有谿山意味長身健不憚

穿犖确塵空那復戲滄浪林鍾喚客烟藏寺風
葉鳴秋竹蔭廊一似雲谿醉眠處只應軟語欠
支郎

贈僧

知有叢林特地過幅巾迎笑出岩阿杖藜同覓
牛羊路濯足來分鷗鷺波豈不倦遊貪斗粟坐
令歸思動漁叢他年會有相逢日稍食吾言聽
子呵

三峰長老送紙被

笑我布衾故分君楮幅温尚嫌肱當枕端稱蓆
為門敗篋薪錢盡幽窓雪意昏寤驚雙脚暖猶
恐錦鯨存

盆中梅花

兀兀天涯客依依雪谷花莫辭遮病眼相伴送
年華勸我三杯醕熏心一念邪幽香戀吟筆半
墮墨池窪

月下

幽獨不自得出門誰識從滔滔我不即踽踽世

寧容吾道固應爾何人此意同唯餘穿戶月照
我一尊空

留別卓民表

末俗紛紛事不情天涯懷抱向誰傾漂流空度
三秋日邂逅來逢四海兄剪燭西窓驚睡夢對
沫夜雨話平生滔滔世路方同驚何日相期問
耦耕

寒食

粥冷春餠凍泥開臘酒斟故鄉空淚滿華髮正

愁侵山暝雨還住烟孤村更深誰知江海客浩
蕩濟時心

延福寺觀醮醮

幽棲一壑無來轍睡起忽驚春已深踏青不愁
溱洧女曳杖來尋蒼筍林長條挽處雲籠袖幽
佩歸時月滿襟武谿回首醉眠地香力一熏愁
到今

武谿昔寓學之
地有醮醮極盛

寄吳及之

世事今人舌本強滔滔何處是吾鄉未成微服

幸齋集卷四
五
隱吳市且可携筇訪草堂欲買鷄豚投近社少
陪風月坐胡床共將絕唱追韓孟一飲還須酌
百觴

答卓民表送茶

攪雲飛雪一番新誰念幽人尚食陳髣髴三生
玉川子破除千餅建谿春喚回窈窕清都夢洗
盡蓬蓬渴肺塵便欲乘風度芹水却悲狡獪得
君嗔

和人遊仙峰庵三首

千岩萬壑翠縈洄一洗衰翁病眼開落日多情
留別嶺秋空無地着浮埃雲閑出岫初無意松
老參天豈願材我是散仙君記取更鞭鸞鳳少
徘徊

誰麾俗駕挽今回珍重山翁小徑開去覓雲峰
攀碧落下看沙劫壞飛埃掬寒露井銷塵想擷
翠筠籃富藥材彷彿三生曾到此樓鐘重聽一
徘徊

脚底千峰翠浪奔雲端掛此一豪身山河了了

窮千界物我紛紛共一塵浪趁下方追日步恨
非本色住庵人他年八極浮遊遍來讀新詩迹
未陳

寄金確然

金子卧空谷何人賦白駒僧斟三味酒客荐一
囊書歸夢寒應短詩腸飢自呼強穿東郭履來
煮雪畦蔬

次韻菊坡

露挹秋英溫曉陰小坡新斲佇幽尋似欺蘭畹

方披羽聊對風卮旋屑金采采遠籬吟欲就垂
垂壓帽醉難任使君致主唐虞了三徑無忘此
日心

蘆檻

手斲修蘆着檻栽使君公退幾徘徊想當風雨
翻叢急疑卷江湖入座來未辨松窓眠綠浦且
將屐齒印蒼苔種成桃李人間滿應念孤根首
屢回

春晚五言寄夢得

美景足可惜殘春尤不堪晚英餘燕蹴熟顆墜
鷺含歲月蓬雙鬢生涯粟一甌唯思對公瑾把
酒話江南

再答諸公

芳節坐晚晚客懷無一堪柳眠猶自困花笑為
誰含風揭拾遺屋塵生執戟甌聯詩賴諸友妙
句壓城南

董邦則求茶軒詩次韻

一軒新築敞柴荆北苑塵飛客思清更買樵青

娛晚景便應盧老是前生千門北闕夢不到一
卷玉杯心自明冷看田侯堂上客醉中談笑起
相烹

送仲猷北歸二首

一丘胸次有餘師空此淹留歲月遲黃墨工夫
憐我倦簞瓢風味要君知新詩落筆驚翻水俗
學回頭笑畫脂伊洛參同得力句還家欲舉定
從誰

欲尋當日故山盟身世今如海一萍歸路上心

真了了愁根入鬢已星星挽衣共酌東西酒折
柳送行長短亭念我知君回首處萱叢菖葉一
時青

寄吳致一

相逢一笑兩忘懷夢遶親庭首重回世事難磨
三尺喙離愁都付一分杯秋生林薄歲時晚水
落江湖鴻鴈來賸作新詩頻寄我天涯時對兩
眉開

四月十五日上元道中

亂山身逐簡書來梅子黃時雨未開一葦橫斜
風葉度千灘鼎扇雪成催危機種種那容避俗
駕駸駸底未回聊復浮遊隨造物故園回首思
悠哉

送黃彥武西上

門揜蓬蒿氣浩然西風筆勢更翩翩未忘大學
齋鹽味時說定林文字禪蘆笙風光傾上國槐
花心緒記當年里門歸日車應下置酒逢君沈
水邊

林文挽詩

沈谿耆舊半丘墟猶有期願隱市區未展武侯
林下拜已傳顏子夢中呼門人會築三年室弔
客誰留一束芻歸卧九原應不恨何蕃聲譽滿
京都

有懷黃元聲時聞在建上詩中所記建
上舊遊也

積兩山城久卧痾起看橫港漲晴波空餘九尺
鬚眉好奈此一樽風月河懷抱故人長在念經

行佳境想重過東谿回首醉眠處為問紅葉何
許多

書室述懷奉寄民表兄是日得民表書
犬室無塵棊几橫吏休鳧鷖散無聲舞風竹影
傲傲轉縈夢鑪香嫋嫋清已笑榮枯盧白戲不
須物我觸蠻爭故人剪燭西窓約知復何時話
此生

答人留別之什

家在大江東復東去君一舍碧流通那知臨水

登山處同寄飛蓬斷梗中愁絕杯中千里月夢
縈江上一帆風只今且作須臾意更典雲裘醉
小齋

七月四日宿丹谿道中

日出霧芒重涼生風葉翻秋杭已照眼社酒欲
香村牛下草萊濕人歸園屋昏個中我不淺擾
擾與誰論

求道人自尤溪來還冷齋有詩次其韻
五年沈水照衰顏谿上今誰獨往還身插亂峰

隨一錫夢回蕭寺遶千間西風潮落拏音急斜
日尊空醉袖斑更覺難追詩力健大韶久廢若
為彎

送劉道醇歸烏石

一屣避地本依劉聞得更書始欲愁舊德鐫碑
在人口歸裝載石壓溪舟寄書莫忘青泥信把
酒誰同黃菊秋新閣詩增風月價自應神物護
銀鈎

胸中一壑故超然耿耿羞爭倚市妍萬事一尊

陶令酒群兒滿世祖生鞭欲投烏石農桑社尚
有靈山香火緣持節重來慰父老溪頭相送各
携錢

題白鹿庵壁

鹿門龐老携客隱耳冷十年難與俱蝼蟻夢中
求曩事芭蕉林裏見今吾遊絲弄影分陰轉喬
木摩空萬壑趨香妙心清無一事不知何處是
華胥

滔滔一世強留連頭上從渠歲月遷老子養生

寧解事小兒有口慣談天醉來莫負持螯手老
矣終尋種玉田若怪微吟漏消息九江誰識市
門仙

與求道人同之福唐

縛屋雙峰雲一塢拋來伴我事幽尋風花蹤跡
趣雖各香火因緣情自深浮峽未興圓澤歎乘
桴還有仲由心三山他日記耆舊鑿齒彌天無
古今

次韻李堯端見嘲食蕨

真人官府未黃緣且向龍山作散仙春入曉痕
催采蕨雨翻泥隴憶歸田蔬腸我若枵蟬腹詩
格君如擊鷲拳筋下萬錢謀更鄙諸公飽死大
官羶

次韻堯端試茶

龍文新夸荐緗羅園吏分嘗苦未多自目雲腴
斟露井坐知雪粒采陽坡撐腸君要澆黃卷爰
酒渠方捲白波我亦個中殊不淺斷無蹤跡到
無何

送友生

剝啄門前久未嗔定知我輩不羈人午窓喚起
夢魂好一語便知風味真身嬰世網坐營口心
識醉鄉慵問津忽先秋燕背人去四角何由生
客輪

贈范直夫

將軍競病詩成處南浦春歸蘭玉叢漸減心情
身老大久爭談笑路西東鄉閨落日蒼茫外樽
酒寒花寂歷中且與寓公同放曠浩歌相屬倚

秋風

招友生

雨收天氣欲清明猶有餘寒在粥飴馬隊客勤
貪晝永鱸堂人病想身輕讀書有味齏鹽好對
境無情夢寐清欲話此懷須我輩一來蠟屐伴
春行

辛亥中秋不見月

今夕九秋半心期負隔年勞生灰劫裏微雨客
遊邊旅泊正無酒陰雲遑怨天何時草堂月相

對籍糟眠

次韻羅源謝成章作不烹鳴雞詩

彼美司晨族膠膠職効鳴為憐君子操寧乏小
人羹恩重棲時穩心危失且驚未甘烏轉夜聊
學鴈全生結客觀酣鬪要君事割烹那知競辰
子力學務時成

次徐謝韻還江公詩卷

大條祠官閑日月絕知聖處着功深榮枯舉世
爭盧白枉直何人較尺尋身比香山差得討詩

看正始有遺音應容下客遊東閣要話朱游夙
昔心

次韻汪彥允見寄

北苑垂期恨昔年異鄉牢落夢江天約遊汗漫
傳新句許出婁娟有舊綠種種髮絲何計換搖
搖心旆不勝懸歸耕要伴君難老相與答鸞作
散仙

與吳昌國同遊靈水院二首

筭舟吏散了無事與客意行初不謀飽看雲濤

舞空濶欣逢泉石媚深幽西漢未試補天手上
界那知鞭鳳遊剪燭他年憶真賞莫嗟身世尚
沉浮

來往風流記兩翁天涯今作九秋蓬坐驚秀色
懸眉宇便覺仙峰入手中傲世真成漆園吏輸
君不負北窓風書生浪發新亭歎自笑尊前氣
吐虹

贈吳昌國二首

居越與誰語得君寬我愁頗驚三日別更為一

樽留食藿有餘味泣河非所謀相看撫身世容
與愧蒼鷗

憶我少年日遊君大父間諸孫嗟契濶雙鬢各
爛斑未覺歸愚晚俱嘗適俗艱絕知歸思急更
覓玉梅攀

孔生示二詩答一篇

歲晚尊前一笑譁憐君孤憤老天涯諸豪雖識
臨邛客陋族難當關里家會有孟光求共隱不
應牧犢但長嗟青衫華髮春風裏擇壻猶堪駐

寶車

寄江少明

龍卷風雲一髮蟠不妨聊作侍祠官高情未許
群兒覺萬事何須正眼看問道從公春信近談
天容我酒杯寬乘桴亦有平生意回首紛紛行
路難

次韻劉仲高懷外舅家梅花

柯山月下嬋娟影前度劉郎餘故情詩成回自
戀三宿我亦惜花癡半生雁沉寒水菩提長垂

蝕真詮章句清西湖懸絕得鸞喙可但能專五
字城

送景思奉祠之温州

司祀名卽下紫宸王師載主尚時巡丕承配極
威靈在對越垂休命秩新幽夢想多春草句清
江為洗涅衣塵行觀前席來宣室可但從容問
鬼神

次韻鄭德與歸舟中感懷

兩牛鳴地隔寒流病起相望客鬢秋聞道喚船

歸別浦坐懷聯策倚滄洲騷人空復驚搖落胡
賈何須歎滯留會擁蒙衝入河渭看君黃色上
眉頭

李似表取告歸晉陵

酌酒慘歸袂繁陰殊未收心知非遠別自不柰
離愁蓬渚勸懷輒雲臺歸借籌端來閭闔路萬
馬避前騶

致政宣教魏公挽詩二首

已自應無憾人猶歎不遭簪纓門已大湖海氣

方豪舊國牛磯外
新阡馬鬣高流芳
傳教子步武接夔臯

交蓋歲云晚
向人懷自傾
爭棋消永晝
酌茗話平生
轉手便陳迹
撫書增故情
無由從執紼
空想葬簫聲

劉氏挽詩

餘慶鍾蘭秀
初占合鳳飛
那知風不止
遽作露先晞
鬢筵方撤齊
眉事已非魂
車春陌上空背夕陽歸

次劉彥仲傅茂先韻

強蹋府塵從
傅子立談江閣識
劉郎一樽此地見
眉宇十載相思成
鬢霜秋燈煜煜照
情話夜浪翻翻吹
客床投名徑入農圃社
老矣不夢天門翔

建安道中

犖确復犖确
秋山殊未晴
流年半羈旅
此地幾經行
雪嶺今慵照
茅簷欲謾營
大鈞渾莫問
流坎任餘生

送蘭廷秀之衡州

墻東新徑去年開
二老扶筇便往來
教面何曾三日別
離懷都寄十分杯
客亭繫馬梅爭落
官舍裁書鴈欲回
秉執樞機有知己
未須卜築向蒿萊

商羊

異鳥來齊國仍依殿
陞翔從容詢魯相
物色是商羊欲雨追
童語懷山驗水祥
民寧因備豫政美
謝祈禳止異爰居
久鳴無垤鶴長願
言蘇旱

虐主上似宣王

次張演翁林元惠韻

朱門小駐使君車
二老風流入畫圖
但有觥籌供笑語
從教歲月上髯鬚
詩成樺燭留殘蠟
客醉高歌叩缺壺
更起爭棋誇得雋
不應局感守邊隅

公相起犁鋤

帝室尊公相潭潭
大府居從容調鼎
鉉奮發自犁鋤
弼亮恢賢業班聯
冠廣除艱難同耦
日慊

慨輟耕初厚幣來莘野
幽人出冀墟渴賢才
仄席何計老田廬

韋齋集卷四終

廿世孫景辰謹訂

韋齋集卷之五

新安朱松喬年

絕句

太康道中二首

得春榆柳遍平郊
猶見藏鷗影未交
動地風來一披拂
青黃淺淺抹林梢

一色春勻萬樹紅
坐愁吹作雪漫空
誰知榆莢揚花意
只礙春殘卷地風

燈夕時在泗上五首

燈花作意照歸人短棹扁舟寂寞濱帝力如春
蘇萬物遙知太乙不威神

雲窓月檻仰乘輿俯看香車出繡襦九陌人人
歌帝力不須微眼過康衢

鸞駕翩翩馭晚風積蘇宮闕夜濛濛明朝遺覓
鐵如意應在涼州酒肆中

我欲安心未有方至人遺跡已茫茫自非窳堵
波中老誰直先生一瓣香

我觀世界只見嬉一戲相從更莫辭綺語未忘

餘習在明朝與和紫姑詩

松江三首

塵緣挽我去漁磯回首滄洲此願違偶寄一舟
江上去只無箬笠與蓑衣

表裏江湖眼界新解誇竒觀屬詩人要須一酌
三江水淨洗多生舌本塵

晴江渺渺跨江干春漲平湖萬頃寒欲挽銀潢
供硯滴坐如震澤在毫端

翠碧

長橋畫柱照清淪俯見游鯈不可緝山影半溪
叢篠密誰知翠碧解藏身

賦王伯溫家醪醪

翩翩風馭駕花神更遣醪醪殿晚春壓架穠香
千尺雪喚回中酒惜花人

王彥行送櫻桃

香英狼籍了無餘償我殘春一斛珠猶帶微酸
餉佳客為嫌啼鳥啄紅膚

芍藥二首

紅顏素臉出春殘裊裊傳傳態自完聞道揚州
冠天下何年跨鶴往吟看

舞困春風睡思深東君更與纏腰金頰簷醉尉
花應笑那有當年幕客心

事見續筆談

月岩去上饒十里山有側穴腹背皆洞
如月

鑿透巉岩不記春山腰千古掛冰輪誰知劈破
三峰手聊出婢娟戲路人

蟬

陰陰葉底午蟬嘶滿腹春風寄一枝下有行人
正愁絕不知幽咽自緣飢

寄湛師

一月分身入萬池道人何處不相隨卧聽絕壑
傳風籟歷歷新詩世不知

答汪明道見示畫雪梅詩

詩人未見雪梅畫只識前村橫水枝百巧摹香
摹不出此時風味畧相宜

夾路天寧謁僧不遇

支公去不鎖禪扉熟境應留夢裏歸我却寄眠
公榻上此心渾似片雲飛

野步

悲歌厭聽久無襦倦客翻嫌出有車杖策岸巾
山下路百錢聊欲飲樵夫

報恩寺

道人足跡掃塵寰坐看筇枝上蘚斑
千尺就却教行水遶空山

鉛山僧齋假山

華嚴集卷五
四
擘開華嶽三峰秀，疊就層峰數石寒。等是世間
兒戲事，道人莫作兩般看。

石門寺四首

橘刺藤梢冒客衣，直緣微祿得奔馳。懸知投老
歸田味，只似登山困睡時。

行穿蒼麓瞰平岡，踏破青鞋到上方。城市紛紛
足机穽，却從山路得康莊。

林棲相喚出幽谷，我亦欲起天未明。枕中泱泱
響山溜，一似荒城長短更。

真功那復歎蒸沙，靜笑飢腸日夜譁。老褐不須
供茗粥，朝餐吾已辦丹霞。

竹齋

誰云山僧貧而有千椽，玉幽眠豈無處愛此晴
窓綠。

將宿松溪羅漢舟，小不果渡廼宿資壽。

二首

霜餘野水尚能深，隔見僧簷出短林。一葦欲航
心未穩，故穿危徑取墻陰。

韋齋集卷五
五
敗絮如蓑不可連書燈相對聳吟肩明朝定有
茅簷日惜我烏捷曝背眠

將還政和

歸去來兮歲欲窮此身天地一賓鴻明朝等是
天涯客家在大江東復東

以研墨送盧師子

明窓子石灑松腴萬卷盧郎正要渠何似黃梅
碓下客夜翻半偈倩人書

燈夕在試院用去年韻

隔墻歌吹聒悲涼信馬狂心墮渺茫報答風光
吾老矣小窓讀易靜焚香

春晚二首

梅子生仁柳絮催春風塵跡只蒼苔繁華一夢
年年事長是初鶯為喚回

客路歸來芳節闌杖藜隨處小盤桓危紅數點
藏深綠湏作春風爛熳看

南谿道中

千峰踏遍一筇隨草軟沙平步却宜細徑忽攀

飛鳥外故知腰脚未應衰

送周時用自別業還永嘉

陌上花殘客未歸故鄉自合去遲遲紅香洲渚
收歸槩却勝池塘草綠時

午憇龍山上方

稅鞅雲扉屨響廊困眠拾得小窓涼逢人莫說
夢魂好厭見客塵吹上方

觀張上達家惠崇蘆鴈圖二首

先生衰眼失孤鴻久着甕天塵霧中誰卷秋空

開四壁丹青三味道人崇

道人一錫攀飛鳥頗悉南來北去情畫出江南
遵渚態尚餘風味叫群聲

示謝彥翔

滿川秀色野陰踈知有儒仙隔水廬借我玉函
河上語只看尺許定何如

後身梅福與誰論正有幽人夙契敦更欲上書
陳世事却來微服守吳門

示金確然

牢落天涯身百憂故人千里肯相投知君強記
當年事莫說家山恐淚流

遊妙峰庵二首

朝暖南岡一杖藜忽投深壑得禪栖共言伐翳
通樵徑後日重來路恐迷
手開茅棘養踈慵不着塵中車馬蹤只許幽人
來別嶺卧聽石磴響枯筇

招謝居安二首

暗中摸索故難忘客舍相逢話最長更有異書

分我讀只無名酒與君觴

梅花

霜谿咽絕照冰姿誰見無人弄影時香逐曉風
穿暗戶夢隨落月掛寒枝

社日遊南臺

作社無人喚拾遺不妨步屨趁兒嬉一壺春色
千峰頂回首他年憶此時

雨二絕句

撼撼初鳴竹涓涓稍滴簷忽然幽夢斷更覺曉

寒添

纖纖花入麥漫漫雨黃梅泥徑無人度風簾為

燕開

招卓民表來白雲寺

剝啄渾無去客嗔丁寧招喚只懷人南風殿角

涼如水來洗眼前朱墨塵

宿石龍寺二絕

風傳萬籟有喧寂月入千波無淺深應信此身

非我有窓間誰伴夜虫吟

觸處為家底是歸浮生南北未忘机道人身似
南枝鵲更盡秋宵一再飛

惠勺送粟既歸其直作兩偈

山僧分粟配蒿藜百億須彌一鉢携但得十方

羅漢飽不辭身作老金雞

惠休老去謾論詩圓澤西遊未有期但解留連

元亮酒不須料理玉川飢

寄人

西山相對卧寒齋耿耿思君不滿懷比似持雲

來寄我何如君自作雲來

書護國上方

久知喧寂兩空華分別應緣一念邪為問脫鞋
吟芍藥何如煮茗對梅花

元聲許茶絕句督之

鳳山一震卷春回想見香芽幾焙開未辦倩君
持券買故應湏我着詩催

謝人寄茶

寄我新詩錦繡端解包更得鳳山團分無心賞

陪顛陸只有家風似嬾殘

與勺道人蔬飯作兩絕句

道人一計了平生肯笑寒儒不糝羹若識先生
晚食肉萬錢何處著羶腥

牛羊觸藩笋成竹鵝鳧成群飽倒藤一飯羅摩
未為孽要知我是在家僧

勺道人之玉山戲作兩小詩送之

小雨歛塵芒屨輕玉峰一點笠邊明向來目盡
鳥飛處一錫今隨隻影行

道眼無塵萬景隨
滄江秋色入新詩
歸時人間江南好
只道君行到自知

宿鵝湖寺和同行勾道人

人間狡兔開三窟
天上夜叉守九關
欲伴衲僧林下住
會須石似此心頑

題廓見亭

危欄縹緲跨鴻濛
城郭溪山一覽空
何處更容君着眼
大千渾在六窓中

梅花

春歸幽谷轉微和
已覺粘枝玉蕊多
天女淨香逢月下
相逢依約到無何

書劉家園壁

梅花夢向笛中殘
子著深枝一一酸
腸斷來遲雙燕子
暗香消渴粉泥乾

心空無地著塵沙
對鏡何曾一念差
戲取十千歸丈室
未妨衣襟亂天花

南浦五小詩迎勞二弟

鱗生雨後東西倦
雪落竹間南北枝
將母方勤

弟行役春風應滿錦囊詩

苟祿勞生不為身強顏來此筭征人莫將朝市
輕分別等是低回一闕塵

堂前春日媚珠盤穉子相群舞袖斑斗酒壽親
逢一笑不知身在市門間

青山北界大江東了了鄉關在眼中歸得一屨
吾願足此生初不問窮通

健碧倚天無數峰眼前渾似故人逢問來識面
知何處應在頤齋詩卷中

和幾叟秋日南浦十絕句簡子莊寄幾

叟

心親千里不辭遙咫尺衡門接市橋萬卷舌端
真歷歷一丘胸次更囂囂

平生學道著功深世事縈人負此心賴有閑西
門下士洛川流泝得重尋

屹屹龜山障末流藩墻一望渺無由胸中萬里
平生事肯踏尋常只麼休

西翁相對語更闌想見風生席石間詩就南枝

三轉鵲樽前秋月半銜山

殘書勸展水沉燒那有堂前學子嘲卧讀蕭陳
秋夕句不知烟暝鳥爭巢

凜凜衢仙千載人當年許小一枝隣天高鬼惡
堂堂去誰識渠儂不壞身

不見陳公歲又除七峰深處食無魚終煩指似
龜山路會使人疑得異書

一筇楚尾見春風遙想詩成顧盼中心逐孤雲
天外去恍疑身在大江東

沙界豪端久自知筆峰一戲更何疑江南春色
花千里幻入幽人半幅詩

風雨交交耿夜燈天涯兄弟對牀聽莫嫌詩作
江南雨一夢家山眼亦青

答子莊見和

老去溫柔失舊鄉北窓一枕午風長夢回未覺
羲皇下句好全勝殿閣涼

答國鎮見迂之什

平津欄檻倚高秋一掬寒波醉眼流莫話風流

雲散事九河翻淚若為收
淵明把菊對清秋醉裏詩豪萬象流畫出多情
愁絕處七峰明滅斷雲收

次韻答夢得送荆公墨刻

相馬評書世未知要從風骨識權竒半山妙墨
翻風雨尚有典刑今復誰

與許簿同遊南山二首

步携婉婉上岷巖北望雲山紫翠攬了了大江
東岸路欲攀風馭脫羈銜

秋空如水莫留塵脚底千峰翠浪奔未暇與君
遊八表且當索酒賦鷓鴣

遊報國院用壁間韻示同遊二首

招提一葉弄新晴却信朝簷鵲有靈猶有幽花
堪繫纜為言輕手惜飄零

老僧彌勒久同龕應笑遊人世味甘小數何曾
工九九深禪聊欲問三三

谿橋納涼晚歸小景

誰共谿邊沉澀杯驚魚不睡棹歌來風生蘋末

無多子更待水輪作伴回

水精念珠頌

百八么珠水玉寒客囊無復一錢看只應袖裏
靈山在無數如來轉指端

卧疾初起示逢年兼簡綽中德粲五首
觀身已作水溶溶投瓦云何覺病攻造物小兒
真一戲未妨居士却談空

病餘都作鶴聯拳誰識臞儒是列仙如我角犀
將底用藜羹相對却超然

三君皆卧疾
數日羸甚

清風白雨灑炎荒林下聽時却對牀一洗微疴
何足道請觀何處不清涼

蚤歲功名不自量近從顏禹識行藏萬錢本是
憂時餌除却簞瓢莫謾嘗

一溪風月浩無邊病起吟觴總未便欲作二豪
知未辦恐君愛我沐猴禪

以月團為十二卽生日之壽戲為教小

詩

鳳山團餅月腫朦老桂橫枝出舊叢小友他年

春入手始知蟾窟本來空
夢覺牀頭無復酒語終甌底但餘糜已堪北海
呼為友猶恐西真喚作兒
駸駸驚子筆生風開卷猶須一尺窮年長那知
虫鼠等眼明已見角犀豐
生朝樂事記當年湯餅何須半臂錢吾筭自知
樽有酒汝翁莫歎坐無氈

韋齋集卷五終

廿世孫景辰謹訂

韋齋集卷之六

新安朱松喬年

絕句

宿靈感院二首

現身猶有宰官緣且作吳門忍辱仙欲以詩書
為佛事利生一念幾生前
淨掃雲房借客眠折鐺煮粥勸加飡道人更有
超然處柿落霜林擘鳥殘

遊南峰贈長老

章齋集卷六
欲問春歸只意行亂紅吹盡綠冥冥道人那管
芳菲過沙劫成灰睡未醒

小偈呈元聲求博山爐

爐峰落日紫烟孤江上扁舟失夢餘乞我博山
修淨供要知觸處是匡廬

徐彥猷寄示詩數章皆隱約世外語詩
律深妙豈勝歎仰輒次韻和呈彥猷素
富學未壯而棄場屋故詩中極道江湖
放浪之樂以動蕩其心志而卒反之以

古人出處之義當有隱君子弄舟烟雨
之外倚其聲而歌之亦可以一笑也

幽人世路無轍迹抱此耿耿將安歸機心一寸
焦穀稿丹頰不為千鍾肥

頗憐胸次抱經緯半縷不上山龍衣誰知烟雨
暗青笠得意雲水春霏微

詩逼長江世已稀滄洲未覺此心違平生却笑
陶彭澤今昔紛紛強是非

江湖魏闢已一視孰與蓑笠無危機遙知避世

客相對落日一談能解圍
談笑百篇無俗韻榮枯半世掩衡扉古人祿隱
或金馬那有故山甘蕨薇

送求道人永福謁同參二首

枯木巖頭鴻鴈行十年離別話偏長歸時袖裏
日溪橘應作雪峰蒼蔔香
拄藤峰頂一長嘯贈子西行風半帆想見月生
潮上處新詩歷歷在千岩

絕句

一笑相從欠我曹日疲浮禮只徒勞紛紛閱世
真難記莫是先生眼太高

懷劉園作

一與劉園別春風到海隅墻陰爭草綠留得屐
痕無

和求道人

海角西風撼客牀熟衣已試九秋涼同根兄弟
久南北他日燈前話更長聞大年歸
衲子詩工骨轉寒折鐺全勝斗升慳恐君愛我

長沙舞且復閑中袖手看

風波舉世正同舟聊戲乘桴從我由閉戶有時
非得已馮河無補却堪羞

徐侯寄示古風為別作三絕句往資一
笑

胸中戈甲一敵國筆下篇章萬戶侯龍門隱吏
絕人處百事隨緣莫莫休

求田莫問湖海士得志付與問閭兒黃花滿把
一樽酒欲話此意非君誰

久憶瓊糜薦一盃玉延猶費著詩催筠籃不送
今年供應待毗耶遣化來

某與徐侯有卜居村落之約每誦杜子
美白沙翠竹江村路相送柴門月色新
之句必相勸亟歸同饗此樂侯今已遷
居浮流僕亦尋屋一區真必得之庶幾
遂踐舊約之言乎因作二詩以廣子美
之意庚戌六月廿八日

午鳩呼夢覺徐徐細讀林頭種樹書自教兒童

事農圃更尋何處欲歸愚
莫嘆天涯流落身只今同是耦耕人
江村無物相迎送一味柴門月色新

次韻團練君侯新居二詩

江村結屋老垂垂詩乞檉栽手自移
他日南樓看鷓集莫忘烟雨狎鷗時
一錢未辦買雲山突兀何時屋萬間
歲晚投簪來卜築柴門分占碧孱顏

題蛟灣小庵二絕

浮塵不到客門開乞食幽人晚未回
相對西山全體現逢人莫道只空來
鑿破蒼崖俯碧流石碕竹筏艤行舟
已邀明月來同宿下數層瀾寸寸秋

次雪峰二小詩韻

麗日踈烟破小春雙峰秀色一番新
要銜天上金鷄粟莫問人間白眼人
同參卷袂卧雲根倒屣相迎月下門
大耳識君遊戲處不應覓酒向前村

宣和乙巳題野人陳氏之館

長安調鼎黑頭公一旦覆餗腰領紅飶稻羹蔬
三萬日爭如且作多田翁

書永和寺壁

胸中一壑本超然投跡塵埃只可憐斗粟累人
腰自折不緣身在督郵前

來解征衣日未斜小軒泉竹兩清華道人法力
真無礙解遣龍孫吐浪花

示僧

清溪淨寫碧嶂岿雨後相携石路乾認取此山
嶠絕影他年何處鉢中看

九日送僧歸龍山

九日相携積翠中勝遊兼有道林同枯蘆一任
君披拂寄語龍山落帽風

牛尾狸二首

壓糟玉面天涯見琢雪庖霜照眼明投筋羞顏
如甲厚南山白額正橫行

物生甚美世所忌吹息雪中成禍胎湯帆卯盃

頻下筓江南歸夢打圍來

牡丹花二首

餘芳卷地還春去誰送落花供眼青沉香亭北
真一夢今見宗支亦典刑

鶴林閣苑兩蕭瑟付與大千沙劫灰尺五城南
花濺淚詩成看鏡覺摧頽

種竹報恩院示僧二首

兩翁來往亦風流還擁紅爐說舊遊夜半南枝
三轉鵲相看更覺此生浮

遶屋風篁夢寐清住山活計幾時成雲根試手
聊親斲安否他年數寄聲

洗兒二首

行年已合識頭顱舊學屠龍意轉踈有子添丁
助征戍肯令辛苦更冠儒

舉子三朝壽一壺百年歌好笑掀鬚厭兵已識
天公意不忍回頭更指渠

五言小詩三首

一雨綠南浦波明柳蔭門遙知湔裾處為我一

攀翻

散策橋南路春容最好時
夢回花滿眼猶恐是
辛夷

牛歸坡草暖船繫岸花零
白墮尊同卧黃昏月
照醒

梅花三首

怕見繁枝不忍攀
風巵綠浪雪爛斑
多情一醉
年年事湏及踈英的皪間

江梅凌厲千花上一笑
春風我有詩白鶴老仙

三疊曲何人得法是橫枝

孤山居士玉梅句
醉客強呼桃杏詩
刻畫無鹽
浼西子法當試我古藤枝

芍藥二首

露壓珍叢粉自勻
日歌薦萼態殊真
未成跨鶴
腰金去先醉揚州十里春

已分春光冉冉過
竒葩好在柰愁何
誰令玉頰
紅成點如意痕深琥珀多

春日二首

一雷驚起籀龍光
鱗鱗滿山人未知
急喚蒼頭斲烟雨
明朝吹作碧參差
夢和殘月兩朦朧
饒舌幽禽苦喚儂
若說五更春睡好
絕勝騎馬火城中

夏夜夢中作

萬頃銀河太極舟
卧吹橫笛漾中流
瓊樓玉宇生寒骨
不信人間有喘牛

雜小詩八首

身將雙影背閩山
伴我江南去又還
欲寄道人

簷下宿此身都未似雲閑

俗學回頭笑畫脂
我今羞悔子何疑
恐輸靈運先成佛
莫學湯休苦覓詩

松風十里客襟涼
路入江南選佛場
欲問道人三世事
樓鐘重聽未應忘

江南風物畧知津
便覺詩成筆有神
不向九江看五老
故應猶未是詩人

紛紛襜褕久相忘
只憶僧齋晝夢長
珍重道人留客語
君家無此北窓涼

門外山光萬里濃且將寥落共清風箇中自有
濠梁意不用磨刀斫眼紅

道人鋤斧得從誰無復當年隻影隨笑我不求
千戶郡坐知成佛更難期

避世山中祇樹亭綠陰遶舍忽青青拋書自笑
爬沙手要挽天河洗甲兵

立春日雷

陌上冬乾泣老農天留甘雨付春工阿香急試
雷霆手莫放人間有卧龍

次韻江謝送花倡酬三首

幽樹團團謝傅家凌寒方澤共驚嗟要知折寄
殷勤意鷓鴣那能病物華

娟娟花竹淨名家閱世夸毗浪怨嗟願挈衆生
辭熱惱知君久學妙蓮華

乘桴何計去浮家學舞空餘短袖嗟自笑續紛
蘭佩老欲將心迹問重華

寄吳大卿二首

謝公擁鼻憂不免笑閔乞燔東郭顏問訊袖中

醫國手不應長與一筇閑
江村小築興不淺柰有靈山香火緣經世心知
焦穀穎歸耕猶恐度公前

吳山道中三首

滿拂春風一番雨鬧花如海麥搖波靜觀物化
知如幻柰此撩人風物何
春工試手雨初晴遙見莓苔曲埭青間道東陂
新漲好來將衰髮照星星
仙人不柰笑憑愚來讀萬籤東老書勸作南窓

傍修竹時來借榻卧虛除

三峯康道人墨梅三首

一枝春曉破霜烟影寫清波最可憐衲被犯寒
歸吮墨也知無地着朱鉛

冰盤青子渴爭嘗怪有橫枝着意芳等是毫端
幻三昧更煩覓句為摹香

緬囊墨本入宣和林下霜晨手自呵不學霜臺
要全樹動人春色一枝多

康畫嘗投進又為朱
勗畫全樹帳極精

溪上

攀緣雲水試青鞋待得輕陰漠漠開興在海山
孤絕處溪邊更復幾回來辛亥歲避寇寓長溪
龜靈寺壬子春聞建

送暉雲際二首

三日雨行來款閔篝燈相語雪霾山低回俗裏
未能免只有對君非強顏
認取芝峰鉢中影要君歸去首重回相思手折
寄千里想有南枝迎臘開

九日

點點吳霜入鬢毛長安落葉又秋高世間俯仰
終難強歸與兪曹且漱醪

夜坐

九秋風露浩難平伍子祠南鶴唳清坐聽兪曹
談往事世間更覺總忘情

蓼花

長年心事只悠悠衰髮難禁歲月流紅蓼垂垂
烟雨裏不應搖落始知秋

桃花

韋齋集卷六
核裏黃泥灑石崖今年繁蕊便爭開遊人要識
春多處但覓紅雲逐水來

漁父用見錫韻

綠蓑青箬一身輕卧看行雲舟自橫米賤魚肥
美無度不知東海正掀鯨

送山老住三峰寺

未辦同穿犖确行西風揮手最閑情只應勃窣
喧卑裏認得峰頭嘯月聲

鉢中忽見三峰影便覺市廛塵沈人寄語階前

石池水老夫衰髮已盈巾

戲代作送住郎

同攀梅蕊便分携回鴈峰前試綵衣學就浯溪
厓上字鴈回莫遣信音稀

寄范伯達

名籍丹丘號散人何時香火共朝真只應經世
平生意未合歸愚便問津

試筆

老來詩思如焦穀自愧霜毫來故鄉乞與楊家

素心樣要將掣管試諸郎

篁竹筍

梅雨冥冥稻已齊連雲篁竹暗蠻谿短萌解籜
登雕俎錯落黃金駮裊蹄

冬日桃李花

北風日日卷塵沙桃李凌寒強自葩莫作春光
流轉想要知枯枿是狂華

題范才元湘江喚舟圖用李居仁韻

天涯投老鬢驚秋夢想長江碧玉流忽對畫圖

揩病眼失聲便欲喚歸舟

題趙守中江行初雪圖

江濶雲垂滿袖風急須下馬一尊同正應無柰
催詩雪句在渠儂擁鼻中

韋齋集卷六終

廿世孫

景辰

謹訂

